



JU dom-porodica

Zenica, Crkvice 20 C
Tel. 032/227-578
Fax. 032/227-575

dompor@bih.net.ba

Broj: 01-868/24
Datum: 06.05.2024.

Na osnovu člana 64. stav (1) tačka b) i člana 70. stav (1) i (3) Zakona o javnim nabavkama ("Službeni glasnik BiH" broj: 39/14 i 59/22), na preporuku Komisije za javne nabavke u postupku javne nabavke - Nabavka mlijeka i mliječnih proizvoda, direktor JU "Dom-porodica" Zenica, donosi

O D L U K U **o izboru najpovoljnijeg ponuđača**

Član 1.

Prihvata se preporuka Komisije za javne nabavke imenovana Rješenjem broj: 01-393/24 od 29.02.2024. godine i ugovor za javnu nabavku mlijeka i mliječnih proizvoda dodjeljuje se:

Ponuđaču "**Max Trgovine**" d.o.o. Zenica, ul Muftije Šemsekadića bb, Zenica, ID broj: 4218959970009, kao najpovoljnijem ponuđaču nakon provedene e-aukcije, sa ukupnom cijenom ponude u iznosu od **24.198,00 KM bez PDVa**.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke, uz istovremeno objavljivanje na internetskoj stranici JU "Dom porodica" Zenica u skladu sa članom 70. stav 6. ZJN.

Član 3.

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

o b r a z l o ž e n j e

JU „Dom-porodica“ Zenica donijela je Odluku o pokretanju postupka javne nabavke broj: 01-705/24 od 11.04.2024. godine kojom je pokrenula postupak javne nabavke putem Konkurentskog zahtjeva za dostavu ponuda za predmet ugovora „Nabavka mlijeka i mliječnih proizvoda“. Obavještenje o javnoj nabavci broj: 556-7-1-6-3-5/24 objavljeno je na Portalu Agencije za javne nabavke 11.04.2024. godine.

Procijenjena vrijednost javne nabavke je 27.000,00 KM bez PDV-a , a za što su novčana sredstva osigurana u budžetu JU „Dom-porodica“ Zenica za 2024 godinu.

Ugovor se dodjeljuje na osnovu kriterija: najniža cijena.

Do isteka roka za dostavu ponuda, 24.04.2024.g. do 11:00 sati, pet (5) ponuđača su dostavili ponude u predmetnom postupku javne nabavke, o čemu je Komisija za javne nabavke sačinila Zapisnik o otvaranju ponuda br: 01-791/24 od 24.04.2024.godine. Komisija je konstatovala da su sve ponude blagovremeno pristigle i da nema neblagovremeno zaprimljenih ponuda. Ponude su dostavili sljedeći ponuđači:

Redni broj	Naziv ponuđača	Vrijednost ponude (bez PDV-a)
1.	„INTER-COM“ d.o.o. Zenica	26.884,80 KM
2.	„BOSNA-KOM“ d.o.o. Gračanica	26.985,60 KM
3.	TD“ NOVA TRGOVINA-S“ d.o.o. Kakanj	26.996,28 KM
4.	„LALA I LAĆO“ d.o.o. Bijeljina	26.999,88 KM
5.	„MAX TRGOVINE“ d.o.o. Zenica	27.000,00 KM

Komisija za javne nabavke imenovana Rješenjem broj: 01-393/24 od 29.02.2024. godine, izvršila je pregled i ocjenu ponuda, te sačinila Zapisnik broj: 01-867/24 od 06.05.2024.g., u kojem je konstatovala da su ponude ponuđača: „INTER COM“ d.o.o. Zenica, TD“ NOVA TRGOVINA-S“ d.o.o. Kakanj i „MAX TRGOVINE“ d.o.o. Zenica prihvatljive i da su dostavljene shodno odredbama zakona i Konkurentskim zahtjevom ugovornog organa.

Komisija za javne nabavke je prilikom provjere računске ispravnosti ponuda ustanovila da je u ponudi ponuđača „LALA I LAĆO“ d.o.o. Bijeljina u obrascu za cijenu ponude koji je sastavni dio ponude, u stavci 6. napravljena računska greška (Ukupna cijena po stavci bez PDV-a) upisan je pogrešan iznos od 1.817,64 KM bez PDV-a (treba da stoji 1.960,20 KM bez PDV-a). Na osnovu uočenog propusta Komisija je pristupila ispravci računске greške. Ugovorni organ je zatražio da ponuđač „LALA I LAĆO“ d.o.o. Bijeljina da saglasnost za prihvatanje računске greške, što je ovaj i potvrdio dostavom Saglasnosti br: 342/24 od 29.04.2024.g. Imajući u vidu da nakon ispravke računске greške ukupna cijena ponude ponuđača „LALA I LAĆO“ d.o.o. Bijeljina iznosi 27.142,44 KM bez PDV-a i da prelazi iznos procijenjene vrijednosti javne nabavke (osiguranih sredstava) ista je ocijenjena kao neprihvatljiva.

Nakon što je izvršila pregled ponude ponuđača „BOSNA-KOM“ d.o.o. Gračanica Komisija je utvrdila da je ponuđač u stavci 7. obrasca za cijenu ponude ponudio sirni namaz pod nazivom “Sireto” Mlekare-UB, Srbija. Naknadnom provjerom Komisija za javne nabavke je ustanovila da ponuđeni artikal ne odgovara navedenim zahtjevima iz teh. specifikacije koji se odnose na težinu artikla. Osim toga, ponuđač „BOSNA-KOM“ d.o.o. Gračanica je u Nacrtu ugovora koji je sastavni dio ponude naveo da ukupna cijena njegove ponude iznosi 31.573,15 KM bez PDV-a što je više od procijenjene vrijednosti predmetne javne nabavke. Imajući u vidu navedeno Komisija za javne nabavke je ocijenila da ponuda ponuđača „BOSNA-KOM“ d.o.o. Gračanica nije pravilna i nezadovoljava zahtjeve iz Konkurentskog zahtjeva.

Nakon izvršenog pregleda i ocjene ponuda zakazana je e-Aukcija dana 06.05.2024.g. u 09:30 sati. Postupak e-Aukcije je završen 06.05.2024.g. u 09:54 sati, o čemu je dostavljen izvještaj Agencije za javnu nabavku o toku i završetku e-Aukcije.

Uvidom u priloženu dokumentaciju, Zapisnik o pregledu i ocjeni ponuda poslije provođenja e-Aukcije i Izvještaj o toku i završetku e-Aukcije nesporno je da je izabrani ponuđač ponudio najnižu cijenu u okviru procijenjene vrijednosti javne nabavke:

Redni broj	Naziv ponuđača	Vrijednost ponude (bez PDV-a)
1.	„MAX TRGOVINE“ d.o.o. Zenica	24.198,00 KM
2.	TD“ NOVA TRGOVINA-S“ d.o.o. Kakanj	24.199,00 KM
3.	„INTER COM“ d.o.o. Zenica	26.884,00 KM

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijumima iz tenderske dokumentacije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu naprijed navedenog, donesena je odluka kao u dispozitivu.

Pouka o pravnom lijeku: Protiv ove Odluke može se uputiti žalba Uredu za razmatranje žalbi BiH putem ugovornog organa u pisanoj formi u roku od 5 (pet) dana od dana prijema iste.

Dostaviti:

- Ponuđač
- Komisija za javne nabavke
- a/a



DIREKTOR

Halil Arnaut